

1731

C O D I C E S

1732

Obedientia, aliaeque Virtutes, *Victoria*, et ipse *Diabolus*, cujus tamen effata, ne inter strepat anser olores, notis musicis carent. Scenam aperiunt Patriarchae et Prophetæ: *Qui sunt hij qui ut nubes?* Reponunt Virtutes: *O antiqui sancti! quid admiramini in nobis? Verbum dei clarescit in forma hominis, et ideo fulgemus cum illo, &c.* Ut etiam Diabolum audiamus, ita ille: *Fatue, fatue! quid prodest tibi laborare. Respice mundum et amplectetur te magno honore.* Totum terminatur Choro Virtutum ad hunc modum: *Ergo nunc omnes homines genua uestra ad patrem uestrum flectite, ut uobis manum suam porrigat.* En itaque Partum Seculi XII. quem non injuria *περδομον* ejus Spectaculi dicas, quod deinceps Theatris illatum est nomine *Mystere*, *Moralité*, *Opera*, *Oratorio* &c. Illud addam, falsos fuisse Belgas Hagiographos, dum T. V. Sept. in *Comment. praevio* ad Acta S. *Hildegardis* p. 674. putabant, Harmoniae coelestis cantui voces ignotae linguae additas fuisse. Induxerat eos locus ille *Vitae* L. II. c. 1. *cantum dulcissimae melodiae mirabili protulit symphonia, et literas non prius visas cum lingua edidit antea inaudita.* Aliud docet Codex noster, cui simile nihil viderant, certe inter *Hildegardinos* amplissimos et rarissimos censendus, et, si etiam mystica abnuas, non pauca ad aevi illius mores, historiamque subpeditans.

DCCXXII.

Codex chartaceus ital. Sec. R. 43 XIV. Folior. 287. 4. currente calamo perscriptus, et a. 1721. oblatu Bibliothecae a F. *Thoma M. Alfano* O. P. de quo alibi, continet *Epistolas* CC. ad Varios datas a D. *Catharina Senensi* Virgine O. P. a. 1380. vivis exempta, et a *Pio* II. P. M. inter Coelites a. 1461. relata, cujus pietatem hae spirant *Epistolae* non multo tempore ab ejus obitu congestae. Collectae sunt deinceps plures ita, ut editio prima *Aldina Venet.* 1500. splendidissima f. contineat CCCLXVIII. quibus in *Senensi* Opp. omn. *Catharinae* edit. ab a. 1707. 4. accesserunt ineditae XXIII. Ordo porro dignitatis aut conditionis personarum in Editis observatus in Codice nostro nullus est; *Epistola* enim I. dirigitur *A frate Guiglelmo dinghilterra de frati heremiti di sancto agustino*, quae est in edit. *Aldina* C. XXXV. A fol. 272. accedunt *Precautiones* quaedam Virginis ad Deum adnotatae, ut praeferunt, ab ejus conscientiae arbitro F. *Raymundo de Capua*, qui et Vitam ejus conscripsit singillatim, jam a *Surio*, *Bollandistis*que vulgatam ad diem 29. et 30. *Aprilis*, multa item pia *Monita* ab illa data, et felix illius *Transitus*, Visioque Matronae cujusdam *Romanae* in eo *Transitu*; et ultima quidem haec fermone latino. Terminat Codicem *Epistolarum* Index.

DCCXXIII.

1733

A S C E T I C I.

1734

DCCXXIII.

R. 3290

Codex partim membraneus, partim chartaceus lat. Sec. XIV. Folior. 254. f. per duas columnas bene scriptus et rubricis distinctus praemisso Caputum et Rerum Elencho continet Opus de Officio Sacerdotis divisum in III. Libros, quorum I. agit de Fide, Caritate, Iustitia et Temperantia, II. de Vitiis contrariis praedictis virtutibus, III. de septem Sacramentis ecclesiasticis, ut ait in Prologo Autor ipse *F. Albertus de Brixia* O. P. ubi addit, se omnia compilasse ex libris et questionibus et tractatibus *F. Thomae de Aquino*. Libri porro in Tractatus, et hi abeunt in Capita. Compilationem hanc Asceticam typis nunquam vulgatam fuisse puto. Vixit Autor nomine gentili *Mandugasinus* initio Sec. XIV. aguntque de eo Ordinis Bibliothecarii *T. I.* p. 526. Prologus ejus infit: *Quoniam, ut ait Jeronimus sacerdotis officium est respondere de lege &c.* et infra: *In hoc autem libro, qui de officio sacerdotis appellatur &c.* Non igitur *Summam Casuum Conscientiae* dictum voluit Autor, qua adpellatione inducti quidam, ut e *Possentino Fabricius*, Opera duo ex uno commenti sunt. Ad calcem nos legimus: *Istud opusculum comparavit Fr. Johannes Trenbeckeb professor Monasterij in Mäunsee (Lunaelacensis) nec non Plebanus ibidem Domino Jacobo venerabili Abbate Mon. antedicti. Sub Anno Domini M^o. CCCC^{mo}. XI^{mo}. in Vigilia Sancte Brigide virginis. Hic*

Johannes a. 1416. successit Jacobo, ut habes in Chronico Lunaelac. p. 197.

Fol. 249. p. 2. Nota quod infrascripte sunt peregrinationes totius terre sancte que a modernis peregrinis pronunc visitantur. Videlicet a Japha usque Jerusalem. Ciuitatis sancte Jerusalem. Intra Ciuitatem extra templum. Vallis Josaphat. Montis Oliueti. Vallis Syloe. Montis Syon. Bethlehem. Bethanie. Fluminis Jordanis. Montana Judee. Vallis Judee. Nazareth. Urbium aliarum. Loca que communiter non visitantur. Montis Synay. Egipti. Ubique indicantur Memorabilia, et loca, quibus plena noxarum venia adfixa esset, cruce notantur.

Fol. ult. p. 2. adscripta est Bulla Leonis VIII. data Eremito B. V. M. in Helvetia, vulgo Einsiedel Ord. S. Bened. quae incipit: Convenit apostolico moderamini &c. et legitur in Cph. Hartmanni Annalib. Heremi Deiparae &c. Frib. Brig. 1612. p. 71. f Noli vero notis chronicis Codicis nostri fidere, cui Leo est Papa 36. pro 136. Bulla data est anno 469. pro 964. et sola Indictio 7. sincera.

DCCXXIV.

Codex chartaceus lat. germ. R. 2150 Sec. XV. et seqq. 4. Scripta varia temere compilata continet, quorum haec ratio: I. *Regula Sacerdotum*. Init: *Multi sunt sacerdotes religiosorum regulas deridentes nec se regulam habere putantes*